



Mehfin 2024

Croeso i E-fwletin Cymru Iach ar Waith (CIW)

Mae ein e-fwletin misol yn rhoi diweddariadau rheolaidd gan dîm Cymru Iach ar Waith, newyddion ynghylch iechyd a llesiant yn y gweithle yn ogystal â dolenni i ymgyrchoedd a digwyddiadau sydd ar y ffordd.

Y mis yma:

- Tudalen we Cymru Iach ar Waith newydd ar Gynaliadwyedd Amgylcheddol
- Arolwg bwydo ar y fron yn y gweithle
- Cymru Iach ar Waith Ar Daith
- Dyddiadau Allweddol ar gyfer Gorffennaf 2024

Mae croeso i chi rannu'r wybodaeth hon gyda'ch cydweithwyr neu rwydweithiau, ynghyd â'n [manylion cofrestru a rhifynnau blaenorol](#).



Tudalen we Cymru Iach ar Waith newydd ar Gynaliadwyedd Amgylcheddol

Mae Cymru Iach ar Waith wedi lansio canllawiau tudalen we newydd i gyflogwyr ar gynaliadwyedd amgylcheddol, sy'n ymdrin â rheoli adnoddau naturiol yn gyfrifol ar gyfer y cenedlaethau'r presennol a dyfodol.

Mae "Integreiddio Cynaliadwyedd Amgylcheddol i Lesiant Gweithle" yn amlygu i gyflogwyr sut y gall rheoli adnoddau'n gyfrifol - lleihau gwastraff, hybu ynni adnewyddadwy, a lleihau llygredd - fod o fudd i'w busnes, eu gweithwyr, a'r blaned.

Archwiliwch y cysylltiad rhwng newid yn yr hinsawdd a chynaliadwyedd, a dewch o hyd i strategaethau fel arferion swyddfa gwyrdd, teithio llesol, gweithio o bell, a dewisiadau bwyd cynaliadwy. Gall arferion busnes ecogyfeillgar leihau argyfyngau hinsawdd a meithrin gweithle iachach a mwy cynaliadwy. Mae'r dudalen we newydd hon hefyd yn darparu dolenni i wybodaeth ac adnoddau ychwanegol.

Ceir rhagor o wybodaeth ar [Wefan Cymru Iach ar Waith](#).

**Arolwg Bwydo ar y Fron yn y Gweithle -
Rhannwch Eich Barn a'ch Profiadau!**



Mae Iechyd Cyhoeddus Cymru (ICC) yn awyddus i hybu bwydo ar y fron yn y gweithle. I gynorthwyo gyda hyn, mae [arolwg byr](#) wedi'i ddatblygu i asesu a yw gweithwyr yn teimlo eu bod yn cael eu cefnogi i fwydo ar y fron ar ôl dychwelyd i'r gwaith o absenoldeb mamolaeth ac i nodi'r cymorth sydd ei angen ar sefydliadau i gynorthwyo gweithwyr sy'n dychwelyd.

Gall ymatebion aros yn ddiennw. Mae gan ICC ddiddordeb arbennig mewn clywed barn a phrofiadau gweithwyr, yn ogystal â'u rheolwyr llinell, a ddychwelodd o absenoldeb mamolaeth tra'n dal i fwydo ar y fron.

A fydddech cystal â helpu ICC i gasglu gwybodaeth i lywio mentrau yn y dyfodol, ac enghreifftiau o arferion da i'w hyrwyddo i gyflogwyr ledled Cymru, drwy ddsbarthu'r arolwg hwn o fewn eich sefydliad.

Byddai Iechyd Cyhoeddus Cymru yn ddiolchgar pe gallech gwblhau'r [arolwg](#) erbyn **01 Awst 2024**. Cysylltwch â rachel.evans43@wales.nhs.uk os oes gennych unrhyw gwestiynau.

Mae gwybodaeth ychwanegol am fwydo ar y fron a'r gweithle ar gael ar [wefan Cymru Iach ar Waith](#).



Cymru Iach ar Waith Ar Daith

Yn ddiweddar aeth Cymru Iach ar Waith i Gynhadledd Cynghrair Grwpiau Diogelwch De Cymru yng Nghwmbrân, Torfaen.

Roedd sawl sefydliad wrth law i gynnig cyngor i unigolion oedd am ddechrau eu busnes eu hunain. Roedd hyn yn cynnwys pynciau fel cymorth TG, marchnata, ynghyd ag iechyd a llesiant yn y gweithle.

Roedd Pauline o'n tîm yn bresennol ar y diwrnod. (Yn y llun mae bwrdd Cymru Iach ar Waith).

Rydym bob amser yn mwynhau cyfarfod â'n rhanddeiliaid a byddwn yn mynd i ddiwyddiadau eraill yn ddiweddarach yr haf hwn, gan gynnwys y [Diwrnod Adeiladu Iechyd a Llesiant](#) (Saesneg yn unig) yng Nghaerdydd ar 19 Mehefin.

Dyddiadau Allweddol

[Wythnos Ymwybyddiaeth Alcohol \(Saesneg yn unig\) \(01-07 Gorffennaf\)](#)

Mae Wythnos Ymwybyddiaeth Alcohol yn gyfle i fusnesau feddwl a siarad â'u cymunedau am y niwed a achosir gan alcohol.

I helpu hyn, mae Alcohol Change UK wedi darparu nifer o [adnoddau digidol rhad ac am ddim](#), gan gynnwys posteri, delweddau cyfryngau cymdeithasol a phostiadau templed, a thafleuni ffeithiau.

Mae cyflogwyr mewn sefyllfa dda i eiriol dros ffyrdd iach o fyw a gweithio gyda gweithwyr i leihau ffactorau sy'n cyfrannu at gamddefnyddio alcohol. Ceir gwybodaeth ychwanegol ar [wefan Cymru Iach ar Waith](#).

[Diwrnod Ymwybyddiaeth y Samariaid \(Saesneg yn unig\)\(24 Gorffennaf\)](#)

Bob blwyddyn ym mis Gorffennaf, mae canghennau'r Samariaid yn y DU yn codi ymwybyddiaeth eu bod nhw yma i wrando ar unrhyw un sy'n cael trafferth ymdopi ar unrhyw adeg.

Gall cyflogwyr helpu i dynnu sylw at hyn trwy gyrchu a rhannu amrywiaeth o [adnoddau](#) (Saesneg yn unig) cysylltiedig, gan gynnwys asedau cyfryngau cymdeithasol, taflenni a phosteri.

Mae gwybodaeth ychwanegol am iechyd meddwl a llesiant ar gael ar [wefan Cymru Iach ar Waith](#).

Mae dolenni I ystod o ymgyrchoedd ymwyddiaeth iechyd hefyd ar gael trwy'r [wefan Cymru Iach Ar Waith](#).

[Cymru Iach Ar Waith](#)



Healthy Working Wales | Floor 5, No.2 Capital Quarter Tyndall Street | Cardiff, CF10 4BZ GB

[Unsubscribe](#) | [Update Profile](#) | [Constant Contact Data Notice](#)



Try email marketing for free today!